



708

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-06-05-3739/19
Sarajevo, 18.03.2019.godine

SKUPŠTINA KANTONA SARAJEVO
gosp. Elmedin Konaković, predsjedavajući Skupštine

PREDMET: Izjašnjenje na inicijativu zastupnice Viladane Bešlije, dostavlja se –
VEZA: Vaš akt, broj:01-05-1210-26/19 od 04.02.2019. godine

Na 4. Radnoj sjednici Skupštine Kantona Sarajevo, održanoj 30.01.2019. godine, u okviru tačke Dnevnog reda „Zastupnička pitanja, inicijative i odgovori“, zastupnica Vildana Bešlija je pokrenula slijedeću zastupničku inicijativu:

„Upućujem inicijativu Ministarstvu pravde i uprave Kantona Sarajevo za donošenje Uredbe kojom bi se ustanovili kriteriji za finansiranje programa i projekata udruženja koji se finansiraju ili sufinansiraju iz budžeta Kantona Sarajevo.

Također, iniciram da Skupština Kantona formira stalno ili povremeno radno tijelo čiji će zadatak biti monitoring nad primjenom kriterija koji su definirani gore navedenom Uredbom. Ovo radno tijelo bi se sastojalo od predstavnika klubova zastupnika političkih partija i vanjskih članova sa iskustvom rada u civilnom sektoru.“

S tim u vezi, Ministarstvo pravde i uprave dostavlja slijedeće

I Z J A Š N J E N J E

Vlada Kantona Sarajevo je, na prijedlog Ministarstva pravde i uprave Kantona Sarajevo, krajem 2011. godine donijela Uredbu o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12, 37/13, 16/14 i 6/17) (u daljem tekstu: Uredba), koja se u narednim godinama mijenjala i dopunjavala kako se djelokrug pojedinih ministarstava mijenjao.

U Uredbi su sadržani kako opći tako i posebni kriteriji za raspodjelu sredstava, gdje su posebni kriteriji tačno i taksativno podjeljeni i pobrojani za svaku pojedinu oblast i djelokrug, što je vidljivo u članu 4. Uredbe.

Također, u cilju transparentnosti raspodjele budžetskih sredstva značajno je istaći da je predmetnom Uredbom propisana i obaveza raspisivanja *javnog poziva koji raspisuje nosilac*



budžetskih sredstava za svaku budžetsku godinu, kako je to utvrđeno u članu 6. st. (3) i (4) Uredbe, kako slijedi:

„(3) Sredstva iz budžeta za finansiranje/sufinansiranje programa i projekata udruženja dodjeljuju se na osnovu javnog poziva koji raspisuje nosilac budžetskih sredstava za svaku budžetsku godinu.

(4) Javni poziv iz stava (3) ovog člana objavljuje se na internet stranici Kantona Sarajevo i u najmanje jednim dnevnim novinama visokog tiraža koja se distribuiraju na području cijele Bosne i Hercegovine.“

Shodno navedenom, ukoliko smatrate da su pojedina rješenja u postojećoj Uredbi nejasna ili neprecizna, te da je Uredbu potrebno mijenjati ili dopunjavati u nekom dijelu, potrebno je da dostavite obrazloženu inicijativu koju će Ministarstvo pravde i uprave uzeti u razmatranje.

Kada je u pitanju drugi dio inicijative, koji se odnosi na formiranje stalnog ili povremenog radnog tijela Skupštine Kantona Sarajevo čiji će zadatak biti monitoring nad primjenom kriterija koji su definirani gore navedenom Uredbom, obavještavamo Vas da Ministarstvo pravde i uprave nije nadležno za uspostavu bilo kojeg stalnog ili povremenog radnog tijela Skupštine Kantona Sarajevo.

Prilog:

- Uredba o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12, 37/13, 16/14 i 6/17)

S poštovanjem,

Dostaviti:

1. Naslovu;
2. a/a.



MINISTRICA

Lejla [REDACTED] ć



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1



Član 49.

(Prestanak primjene odredbi drugih zakona)

Danom stupanja na snagu ovog zakona prestaje primjena:

- a) odredaba Zakona o radno-pravnom statusu poslanika u Skupštini Kantona Sarajevo ("Službene novine Kantona Sarajevo", broj 14/09) koje se odnose na plaće, naknade i druga materijalna prava poslanika u Skupštini Kantona i savjetnika predsjedavajućeg Skupštine Kantona;
- b) odredaba Zakona o radno-pravnom statusu članova Vlade Kantona Sarajevo ("Službene novine Kantona Sarajevo", br. 30/08 i 14/09) koje se odnose na plaće, naknade i druga materijalna prava članova Vlade Kantona i savjetnika članova Vlade Kantona;
- c) odredaba Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst), koje se odnose na plaće, naknade i druga materijalna prava pravobranioca i zamjenika pravobranioca Kantona.

Član 50.

(Ravnopravnost spolova)

Odredbe ovog zakona odnose se podjednako na lica muškog i ženskog spola, bez obzira na rod imenice upotrijebljen u tekstu Zakona.

Član 51.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo"

Broj 01-02-32857/11 Predsjedavajuća
28. decembra 2011. godine Skupštine Kantona Sarajevo
Sarajevo Prof. dr. Mirjana Malić, s. r

Vlada Kantona

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 22. stav 2. Zakona o rješavanju Budžeta Kantona Sarajevo za 2011. godinu ("Službene novine Kantona Sarajevo", broj 8/11), Vlada Kantona Sarajevo, na 42. sjednici održanoj 22.11.2011. godine, donijela je

UREDBU

**O KRITERIJIMA ZA FINANSIRANJE PROGRAMA I
PROJEKATA NEPROFITNIH ORGANIZACIJA I
UDRUŽENJA KOJI SE FINANSIRAJU/
SUFINANSIRAJU IZ BUDŽETA KANTONA SARAJEVO**

DIO PRVI

Član 1.

(Predmet uredbe)

Ovom uredbom utvrđuju se opći i posebni kriteriji za finansiranje programa i projekata neprofitnih organizacija i udruženja koji se finansiraju/sufinansiraju iz budžeta Kantona Sarajevo (u daljnjem tekstu: budžet), način podnošenja zahtjeva za dodjelu sredstava, način doznačavanja sredstava i nadzor nad utroškom sredstava od strane udruženja.

DIO DRUGI

Član 2.

(Korisnici prava)

- (1) Korisnici prava po ovoj uredbi su udruženja i fondacije (nevladine i neprofitne organizacije u daljnjem tekstu: udruženja), koji za sredstva iz Budžeta apliciraju u svrhu finansiranja/sufinansiranja projekata koji su od interesa za građane Kantona Sarajevo (u daljnjem tekstu: Kantona) ili doprinose razvoju i afirmaciji Kantona i provode se na području Kantona.

Član 3.

(Nosioći budžetskih sredstava)

Nosioći budžetskih sredstava u Budžetu koji su planirali finansiranje/sufinansiranje udruženja i neprofitnih organizacija su sljedeći:

- a) Kabinet predsjedavajućeg i zamjenika predsjedavajućeg Skupštine Kantona Sarajevo;
- b) Kabinet premijera Kantona Sarajevo;
- c) Ministarstvo prostornog uređenja i zaštite okoliša;
- d) Ministarstvo obrazovanja i nauke;
- e) Ministarstvo kulture i sporta;
- f) Ministarstvo za rad, socijalnu politiku, raseljena lica i izbjeglice;
- g) Ministarstvo zdravstva;
- h) Ministarstvo za boračka pitanja;
- i) Ministarstvo saobraćaja;
- j) Ministarstvo finansija;
- k) Ministarstvo privrede;
- l) Ministarstvo unutrašnjih poslova;
- lj) Kantonalna uprava civilne zaštite.

Član 4.

(Opći kriteriji)

- (1) Opći kriteriji za raspodjelu sredstava su:
 - a) registracija udruženja na bilo kojem nivou vlasti u Bosni i Hercegovini;
 - b) realizacija projekata udruženja koji su od interesa za građane Kantona ili doprinose razvoju i afirmaciji Kantona i provode se na području Kantona;
 - c) ekonomska ili društvena opravdanost projekta koje udruženje predlaže i sprovodi;
 - d) program rada za tekuću godinu sa obrazloženjem;
 - e) finansijski plan za tekuću godinu;
 - f) izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
 - g) finansijski izvještaj o utrošku sredstava za projekte odobrene u prethodnoj godini;
 - h) organiziranost i broj članova udruženja;
 - i) broj lica koja učestvuju u realizaciji projekata;
 - j) specifičnost potreba članova udruženja, odnosno populacije koju zastupaju;
 - k) rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.
- (2) Primaoci finansijske podrške za realizaciju programa ili projekata koji nisu dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva ne mogu biti prihvaćeni za finansiranje programa ili projekata za narednu godinu.
- (3) Dokumentacija koja se treba dostaviti prilikom prijave projekata:
 - a) Popunjen obrazac za aplikaciju za finansiranje/ sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet;
 - b) Rješenje o registraciji;
 - c) Uvjerjenje o poreskoj registraciji - identifikacioni broj;
 - d) Uvjerjenje o izmirenim poreskim obavezama;
 - e) Uvjerjenje o izmirenim porezima i doprinosima za zaposlenike (ukoliko ima zaposlenika);
 - f) Bilans stanja i bilans uspjeha ovjereni od strane nadležne poreske uprave za prethodnu godinu i
 - g) Izvještaj o utrošku sredstava za projekte odobrene u prethodnoj godini.
- (4) Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.

Član 5.
(Posebni kriteriji)

Posebni kriteriji za raspodjelu sredstava definisani po oblastima su:

a) Oblast zaštite okoliša

- 1) projekti i programi zaštite okoliša i očuvanja prirodnog bogatstva i održivog razvoja,
- 2) prilagođenost predloženog projekta potrebama invalidnih skupina,
- 3) prilagođenost predloženog projekta potrebama nacionalnih manjina.

b) Oblast obrazovanja i nauke

- 1) projekti unapređenja obrazovanja i profesionalnog razvoja svih sudionika odgojno- obrazovnog procesa kroz organizovanje edukacije iz oblasti tretiranih programom edukacije koji donosi Ministarstvo obrazovanja i nauke Kantona Sarajevo,
- 2) projekti uklanjanja različitih oblika diskriminacije i stvaranje uvjeta da svako dijete ima pristup kvalitetnom obrazovanju (uključujući djecu sa posebnim potrebama, invalidnu djecu i pripadnike nacionalnih manjina),
- 3) projekti za uspostavljanje međuregionalne i međunarodne saradnje u oblasti obrazovanja,
- 4) projekti vannastavnog angažiranja učenika i studenata s ciljem njihovog uključivanja u sportske aktivnosti i afirmaciju zdravog stila života,
- 5) projekti zaštite školske omladine sa invaliditetom radi njihovog lakšeg školovanja i zapošljavanja,
- 6) programi rada sa talentiranim učenicima i studentima,
- 7) aktivnost i uključivanje većeg broja lica školskog i studentskog uzrasta sa invaliditetom u rad udruženja,
- 8) rad na prevenciji nasilja među vršnjacima.

c) Oblast kulture i sporta

kultura:

- 1) podsticanje stvaralaštva u oblasti kulture,
- 2) uključivanje što većeg broja omladine u oblast kulturno-umjetničkog amaterizma,
- 3) doprinos ukupnom razvoju kulture,
- 4) afirmacija kulturnog naslijeđa,
- 5) podrška mladim kulturnim stvaraocima,
- 6) podsticaj i afirmacija kulturnog, historijskog, graditeljskog, odnosno materijalnog i nematerijalnog naslijeđa nacionalnih manjina,
- 7) podsticaj uspostavljanju i jačanju međusobne komunikacije u oblasti kulture i kulturnog naslijeđa među nevladinim organizacijama i institucijama raznih nivoa odlučivanja i/ili raznih segmenata djelovanja o ovoj oblasti i/ili međukantonalnu saradnju u navedenim oblastima.

sport:

- 1) podrška razvoju sporta,
- 2) aktivnost i uključivanje što većeg broja lica sa invaliditetom u rad udruženja.

d) Oblast rada, socijalne politike, raseljenih lica i izbjeglica

- 1) projekti obezbjeđivanja raznih pomagala pri zadovoljavanju svakodnevnih potreba lica sa invaliditetom,
- 2) projekti pružanja pomoći od drugog lica (stara i iznemogla lica, lica sa invaliditetom i drugi kojima je ta pomoć potrebna),
- 3) projekti za zadovoljavanje potreba članova udruženja sa posebnim tehnikama u oblasti komuniciranja i zadovoljavanje potreba iz oblasti informisanja, kulture i korištenja tekstova napisanih na crnom tisku,
- 4) projekti za provođenje posebnih oblika rehabilitacije i resocijalizacije lica sa invaliditetom,

- 5) aktivnost i uključivanje što većeg broja lica sa invaliditetom u rad udruženja,
- 6) projekti i aktivnosti na realizaciji stimulativnih mjera zapošljavanja lica sa invaliditetom i pripadnika nacionalnih manjina,
- 7) projekti zaštite i borbe protiv nasilja u porodici i nasilja na osnovu spola,
- 8) programi besplatne pravne pomoći ugroženim kategorijama stanovništva,
- 9) projekti i aktivnosti udruženja koja se bave hroničnim, neizlječivim, somatskim oboljenjima - autoimune i rijetke bolesti koje ostavljaju trajni invaliditet, a oboljeli su u stanju potreba.

e) Oblast zdravstva

- 1) projekti promocije zdravlja i prevencija bolesti koji se mogu odnositi na:
 - rano otkrivanje i suzbijanje bolesti srca i krvnih žila i dijabetesa,
 - unapređenje zdravlja i prevenciju malignih bolesti (podrška teško oboljelim i palijativna njega),
 - prevencija i suzbijanje bolesti ovisnosti (duhan, alkohol, droge) naročito kod djece i mladih i
 - drugi preventivni projekti iz masovnih nezaraznih oboljenja
- 2) projekti socijalnog i humanog značaja koji se mogu odnositi na:
 - unapređenje zdravlja i kvalitete života ranjivih skupina: djece, mladih, invalidnih lica (djece i osoba starijih od 65 godina),
 - unapređenje zaštite mentalnog zdravlja,
 - rehabilitacija,
 - pružanje raznih zdravstvenih, socijalnih i humanitarnih usluga za potrebe u zajednicama sa manje mogućnosti,
- 3) aktivnosti i uključivanje što većeg broja lica sa invaliditetom u rad udruženja,
- 4) aktivnost i uključivanje što većeg broja pripadnika nacionalnih manjina u rad udruženja.

f) Oblast boračke zaštite

- 1) projekti i programi kantonalnih boračkih udruženja,
- 2) programi resocijalizacije i integracije boračke populacije u društvenu sredinu (dodatna edukacija, rehabilitacija i prekvalifikacija, zadovoljenje potreba koje osobe sa invaliditetom ostvaruju na specifičan način uz korištenje specijalnih pomagala),
- 3) projekti očuvanja i njegovanja tradicije oslobođilačkog rata, tradicionalnost, ugled i interes javnosti (npr. obilježavanje značajnih događaja, datuma i ličnosti shodno Odluci o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobođilačkog rata 1992.-1995. godine na području Kantona Sarajevo" i Odluci o utvrđivanju "Kalendara za obilježavanje značajnih događaja, datuma i ličnosti iz perioda narodnooslobođilačkog rata 1941.-1945. godine na području Kantona Sarajevo",
- 4) projekti humanitarnog karaktera sa ciljem pomoći socijalno najugroženijim pripadnicima boračke populacije,
- 5) saradnja udruženja sa državnim organima na svim nivoima,
- 6) programi odgojnodruštvenog značaja,
- 7) masovnost članstva i razvojna funkcija,
- 8) programi koji podstiču razvoj društva i vjersku toleranciju,
- 9) programi sportsko-rekreativnog i rehabilitacionog karaktera,
- 10) aktivnosti i uključivanje što većeg broja lica sa invaliditetom u rad udruženja,

- 11) sportske manifestacije i memorijalni turniri u organizaciji boračkih udruženja,
- 12) programi pomoći u liječenju, stambenom zbrinjavanju i rehabilitaciji,
- 13) programi pružanja besplatne pravne pomoći boračkoj populaciji,
- 14) rješavanje problematike boračke populacije,
- 15) pomoći za liječenje i zdravstveno i socijalno zbrinjavanje,
- 16) podrška projektima pisana riječ "da se ne zaboravi i ne ponovi"
- 17) aktivnost i uključivanje što većeg broja pripadnika RVI, logoraša, žrtava torture i nacionalnih manjina u rad udruženja i
- 18) u drugim opravdanim slučajevima.

g) Oblast saobraćaja

- 1) projekti zaštite okoline u saobraćaju,
- 2) projekti unapređenja javne saobraćajne infrastrukture za saobraćaj prevoznim sredstvima koja omogućavaju zdrav i ekološki prihvatljiv saobraćaj,
- 3) projekti unapređenja sigurnosti u saobraćaju,
- 4) projekti koji se odnose na bezbjednost lica sa invaliditetom i
- 5) projekti koji uključuju veći broj lica sa invaliditetom i pripadnika nacionalnih manjina.

h) Oblast finansija

projekti, programi i aktivnosti, a koji ne spadaju u nadležnost ostalih ministarstava Kantona Sarajevo.

i) Oblast privrede

- 1) projekti razvojnog karaktera,
- 2) projekti koji doprinose razvoju turizma kroz afirmaciju i promociju kulturnog identiteta,
- 3) projekti za stimulisanje mladih za izučavanje starih tradicionalnih zanata,
- 4) projekti za podsticaj i očuvanje starih tradicionalnih zanata,
- 5) projekti kojim se stvaraju uslovi za samozapošljavanje i novo zapošljavanje,
- 6) aktivnost i uključivanje što većeg broja lica sa invaliditetom u rad udruženja,
- 7) aktivnost i uključivanje što većeg broja pripadnika nacionalnih manjina u rad udruženja.

j) Oblast unutrašnjih poslova

- 1) programi sportsko-rekreativnog i rehabilitacionog karaktera pripadnika MUP-a Kantona Sarajevo,
- 2) aktivnost i uključivanje što većeg broja lica sa invaliditetom u rad udruženja,
- 3) obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. na području Kantona,
- 4) aktivnost i uključivanje što većeg broja pripadnika nacionalnih manjina u rad udruženja,
- 5) projekti sigurnosti u saobraćaju (edukacija u bezbjednosti u saobraćaju i kulturi u saobraćaju),
- 6) Projekti usmjereni na promociju i unapređenje sprečavanja i suzbijanja protivpravnih ponašanja,

k) Oblast zaštite i spašavanja ljudi i materijalnih dobara od prirodnih i drugih nesreća

- 1) projekti i aktivnosti u cilju zaštite i spašavanja ljudi i materijalnih dobara od prirodnih i drugih nesreća,
- 2) projekti i aktivnosti u cilju obučavanja građana za ličnu i uzajamnu zaštitu,
- 3) doprinos ukupnom razvoju sistema zaštite i spašavanja ljudi i materijalnih dobara,
- 4) projekti koji se odnose na zaštitu od požara,

- 5) aktivnost i uključivanje što većeg broja lica sa invaliditetom u rad udruženja,
- 6) aktivnost i uključivanje što većeg broja pripadnika nacionalnih manjina u rad udruženja.

Član 6.

(Zahtjev za dodjelu sredstava)

- (1) Zahtjeve za dodjelu sredstava neprofitne organizacije i udruženja dostavljaju nosiocima budžetskih sredstava sa dokazima iz kojih se vidi ispunjenost općih i posebnih kriterija.
- (2) Nosioci budžetskih sredstava svojim pojedinačnim aktima, u skladu sa ovom uredbom, odlučuju o rasporedu sredstava na svojoj poziciji.
- (3) Sredstva iz budžeta za finansiranje/sufinansiranje programa i projekata udruženja dodjeljuju se na osnovu javnog poziva koji raspisuje nosilac budžetskih sredstava za svaku budžetsku godinu.
- (4) Javni poziv iz stava (3) ovog člana objavljuje se na internet stranici Kantona Sarajevo i u najmanje jednim dnevnim novinama visokog tiraža koja se distribuiraju na području cijele Bosne i Hercegovine.
- (5) Vijeće nacionalnih manjina Kantona Sarajevo učestvuje u odabiru (selekciji) projektnih aktivnosti iz člana 5. ove uredbe koje se odnose na pripadnike nacionalnih manjina.

DIO TREĆI

Član 7.

(Premijer, predsjedavajući/ća Skupštine i ministar finansija)

Nosioci budžetskih sredstava odlučuju o rasporedu svojih sredstava, s tim što premijer, predsjedavajuća Skupštine i ministar finansija mogu donositi odluke o dodjeli sredstava iz svih oblasti navedenih u ovoj uredbi.

Član 8.

(Izuzeci)

- (1) Finansijska sredstva, u skladu sa ovom uredbom, mogu se odobriti pojedincima, i to:
 - a) ukoliko svojim angažmanom, po određenom projektu, doprinose razvoju i afirmaciji Kantona (npr. nabavka i podrška štampanja knjiga i literature, organizovanje izložbe, podrška izradi magistarskog ili doktorskog rada, naučnog projekta i dr.);
 - b) ako su u stanju socijalne potrebe;
 - c) za liječenje i zdravstveno zbrinjavanje;
 - d) podrška sportskim aktivnostima;
 - e) u drugim opravdanim slučajevima.
- (2) Političke partije, organizacije i udruženja se ne mogu finansirati.

DIO ČETVRTI

Član 9.

(Doznačavanje sredstava)

Doznačavanje sredstva odobrenih budžetom korisnicima iz ove uredbe vrši se u skladu sa operativnim planovima i raspoloživim sredstvima u budžetu.

Član 10.

(Izvještaj o namjenskom utrošku sredstava)

- (1) Ministarstvo finansija će izraditi standardni obrazac za dostavu narativnog i finansijskog izvještaja.
- (2) Korisnici sredstava iz ove uredbe dužni su za sve aktivnosti dostaviti izvještaj o namjenskom utrošku sredstava doznačenih iz budžeta u roku od 15 dana od realizacije projekta ili aktivnosti sa odgovarajućom dokumentacijom.

Član 11.
(Nadzor)

Redovan nadzor nad utroškom sredstava vrši nosilac budžetskih sredstava i budžetska inspekcija Kantona po zahtjevu davaoca sredstava ili u okviru svojih redovnih inspeksijskih nadzora nad utroškom budžetskih sredstava.

Član 12.
(Ostala pitanja)

Pitanja koja se odnose na formiranje komisije za provođenje javnog poziva, kao i postupak po javnom pozivu, iz člana 6. stav (4) ove Uredbe utvrđuju se pravilnikom koji donosi rukovodilac nosioca budžetskih sredstava.

DIO PETI

Član 13.
(Stavljanje van snage)

Danom stupanja na snagu ove uredbe prestaje da važi Odluka o opštim kriterijima za raspodjelu sredstava za rad neprofitnih organizacija i udruženja koja se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 2/05) i odluke o posebnim kriterijima koje su donesene po pojedinim oblastima.

Član 14.
(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-29733-20.1/11
22. novembra 2011. godine
Sarajevo

Premijer
Fikret Musić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", br. 10/04, 21/06 i 26/08), Vlada Kantona Sarajevo, na 47. sjednici održanoj 22.12.2011. godine, donijela je

ODLUKU

O DAVANJU SAGLASNOSTI ZA IMENOVANJE
DIREKTORA JAVNE USTANOVE OSNOVNA ŠKOLA
"HAMDIJA KREŠEVLJAKOVIĆ"

I.

Daje se saglasnost Školskom odboru Javne ustanove Osnovna škola "Hamdija Kreševljaković" da se dr. Salko Huskić, profesor sporta i tjelesnog odgoja, imenuje za direktora Škole.

II.

Ova odluka će se objaviti u "Službenim novinama Kantona Sarajevo".

Broj 02-05-32000-19/11
22. decembra 2011. godine
Sarajevo

Premijer
Fikret Musić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 12. stav 2. Odluke o preuzimanju prava osnivača Javne ustanove "Historijski arhiv Sarajevo" ("Službene novine Kantona Sarajevo", br. 3/99 - Prečišćeni tekst i 33/07), Vlada Kantona Sarajevo, na 48. sjednici održanoj 27.12.2011. godine, donijela je

ODLUKU

O DAVANJU SAGLASNOSTI VRŠIOCIMA DUŽNOSTI
PREDSJEDNIKA I ČLANOVA UPRAVNOG ODBORA
JAVNE USTANOVE "HISTORIJSKI ARHIV
SARAJEVO" ZA IMENOVANJE DIREKTORA

I.

Daje se saglasnost vršiocima dužnosti predsjednika i članova Upravnog odbora Javne ustanove "Historijski arhiv Sarajevo" da imenuje Harisa Zaimovića za direktora Javne ustanove "Historijski arhiv Sarajevo" na period od četiri godine.

II.

Ova odluka stupa na snagu danom donošenja i i objavit će se u "Službenim novinama Kantona Sarajevo"

Broj 02-05-32492-5/11
27. decembra 2011. godine
Sarajevo

Premijer
Fikret Musić, s. r.

Na osnovu člana 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 31. i člana 11. stav 2. Zakona o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06 i 4/09), Vlada Kantona Sarajevo, na 48. sjednici održanoj 27.12.2011. godine, donijela je

ODLUKU

O PRODAJI OBJEKTA HOTELA "BRISTOL" - STARI
DIO

Član 1.

Odobrava se prodaja neprivatiziranog dijela državnog kapitala MHTTP "Bristol" d.d. Sarajevo - objekat hotela "Bristol" - stari dio.

Član 2.

Postupak prodaje nekretnine iz člana 1. ove odluke provest će Kantonalna agencija za privatizaciju Sarajevo, metodom neposredne pogodbe, a sredstva ostvarena prodajom bit će uplaćena na Escrow račun Kantona Sarajevo.

Član 3.

Početna tržišna cijena objekta hotela "Bristol" - stari dio iz člana 1. ove odluke, na osnovu procjene ovlaštenog sudskog vještaka iz oblasti građevinske struke iznosi 1.722.874,54 KM.

Član 4.

Nakon provedenog postupka prodaje metodom neposredne pogodbe, postignutu cijenu državnog kapitala iz člana 1. ove Odluke obavezno odobrava Vlada Kantona Sarajevo.

Član 5.

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-32492-4/11
27. decembra 2011. godine
Sarajevo

Premijer
Fikret Musić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 23. Zakona o javno-privatnom partnerstvu ("Službene novine Kantona Sarajevo", broj 27/11), Vlada Kantona Sarajevo, na 47. sjednici održanoj 22.12.2011. godine, donijela je

RJEŠENJE

O OBRAZOVANJU KOMISIJE ZA JAVNO-PRIVATNO
PARTNERSTVO

I.

Obrazuje se Komisija za javno-privatno partnerstvo.

ISPRAVKE**Ministarstvo pravde i uprave**

U "Službenim novinama Kantona Sarajevo", broj 33/11 od 28. decembra 2011. godine, na strani broj 227, objavljena je Uredba o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz budžeta Kantona Sarajevo.

Nakon izvršenog sravnjavanja teksta navedene uredbe, utvrdili smo da se tokom štampanja teksta potkrala greška u uvodnom dijelu Uredbe u četvrtom redu, tako da umjesto riječi "rješavanju" treba da stoji riječ "izvršavanju".

Broj 03-14-25875/11
20. januara 2012. godine
Sarajevo

Ministrica
Dijana Tabori, s. r.

SADRŽAJ**KANTON SARAJEVO****Skupština Kantona**

- | | | | |
|---|----|---|----|
| 1. Program rada Skupštine Kantona Sarajevo za 2012. godinu | 1 | 11. Odluka o izmjeni Odluke o usklađivanju statusa Kantonalnog javnog komunalnog preduzeća "Vodovod i kanalizacija" Sarajevo sa Zakonom o javnim preduzećima u Federaciji Bosne i Hercegovine | 32 |
| 2. Zakon o izmjenama i dopunama Zakona o dopunskim pravima boraca-branitelja Bosne i Hercegovine | 7 | 12. Odluka o izmjeni Odluke o usklađivanju statusa Kantonalnog javnog komunalnog preduzeća za sahrane i upravljanje grobljem "Pokop" sa p.o. Sarajevo sa Zakonom o javnim preduzećima u Federaciji Bosne i Hercegovine | 32 |
| 3. Zakon o održavanju zajedničkih dijelova zgrade i upravljanju zgradom | 9 | 13. Odluka o izmjeni Odluke o usklađivanju statusa Javnog komunalnog preduzeća "Rad" sa p.o. Sarajevo sa Zakonom o javnim preduzećima u Federaciji Bosne i Hercegovine | 32 |
| 4. Zakon o izmjenama i dopunama Zakona o sportu | 21 | 14. Odluka o izmjeni Odluke o usklađivanju statusa Javnog preduzeća "Park" sa p.o. Sarajevo sa Zakonom o javnim preduzećima u Federaciji Bosne i Hercegovine | 33 |
| 5. Odluka o davanju saglasnosti Univerzitetu u Sarajevu da Općina Centar Sarajevo utvrdi pravo vlasništva na predmetnom zemljištu u svrhu legalizacije izgrađenog stambenog objekta, uz plaćanje naknade prema procijenjenoj tržišnoj vrijednosti zemljišta | 25 | 15. Odluka o izmjeni Odluke o usklađivanju statusa Kantonalnog javnog komunalnog preduzeća za transport i distribuciju gasa "Sarajevo - gas" Sarajevo sa Zakonom o javnim preduzećima u Federaciji Bosne i Hercegovine | 34 |
| 6. Odluka o izmjenama i dopunama Odluke o usklađivanju statusa dd PD "Butmir" Ilidža, Sarajevo sa Zakonom o javnim preduzećima u Federaciji Bosne i Hercegovine | 25 | 16. Odluka o izmjeni Odluke o usklađivanju statusa Kantonalnog javnog komunalnog preduzeća za proizvodnju i distribuciju toplotne energije "Toplane-Sarajevo" Sarajevo sa Zakonom o javnim preduzećima u Federaciji Bosne i Hercegovine | 34 |
| 7. Odluka o izmjenama Odluke o usklađivanju statusa Javnog preduzeća "Kantonalna veterinarska stanica Sarajevo" sa Zakonom o javnim preduzećima u Federaciji Bosne i Hercegovine | 27 | 17. Odluka o izmjeni Odluke o usklađivanju statusa Kantonalnog javnog komunalnog preduzeća "Tržnice-pijace" Sarajevo sa Zakonom o javnim preduzećima u Federaciji Bosne i Hercegovine | 35 |
| 8. Odluka o izmjenama Odluke o usklađivanju statusa Kantonalnog šumskog privrednog društva za gospodarenje državnim šumama "Sarajevo-šume" d.o.o. Sarajevo sa Zakonom o javnim preduzećima u Federaciji Bosne i Hercegovine | 28 | 18. Odluka o izmjeni Odluke o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima Federacije Bosne i Hercegovine | 36 |
| 9. Odluka o izmjenama Odluke o usklađivanju statusa preduzeća "ZOI" 84" Olimpijski centar Sarajevo d.j.l. Sarajevo sa Zakonom o javnim preduzećima u Federaciji Bosne i Hercegovine | 29 | | |
| 10. Odluka o izmjenama Odluke o usklađivanju statusa preduzeća Centar "Skenderija" d.o.o. Sarajevo sa Zakonom o javnim preduzećima u Federaciji Bosne i Hercegovine | 30 | | |

Vlada Kantona Sarajevo

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 163. stav 1. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10, 26/12 i 15/13), Vlada Kantona Sarajevo, na 35. sjednici održanoj 18.09.2013. godine, donijela je

UREDBU**O IZMJENAMA I DOPUNAMA UREDBE O
SUBVENCIONIRANJU TROŠKOVA GRIJANJA****Član 1.**

U Uredbi o subvencioniranju troškova grijanja ("Službene novine Kantona Sarajevo", br. 4/05 i 7/08) član 7. mijenja se i glasi:

"Član 7.

Za korisnike koji rješenjem Službe socijalne zaštite (u daljnjem tekstu: Služba) ostvare pravo na subvencioniranje troškova centralnog grijanja, prirodnog gasa i električne energije JU "Kantonalni centar za socijalni rad" će doznakačavati novčana sredstva mjesečno prema ispostavljenim fakturama javnim preduzećima KJKP "Toplane", KJKP "Sarajevogas" i JP "Elektroprivreda" BiH koje vrše naplatu, a korisnicima koji ostvare pravo na subvencioniranje troškova grijanja na čvrsto gorivo, novčana sredstva će se isplaćivati putem tekućeg računa otvorenog u banci."

Član 2.

U članu 13. iza stava 2. dodaje se novi stav 3. koji glasi:

"Korisnici kojima je u skladu sa ovom uredbom priznato pravo na subvencioniranje troškova grijanja na čvrsto gorivo, dužni su da do 30.06. tekuće godine Službi dostave dokaz (račun) za kupljeno čvrsto gorivo.

Ministarstvo će donijeti uputstvo kojim će urediti vrstu računa za kupljeno čvrsto gorivo, način dostavljanja navedenog računa, te druge elemente od značaja za pravdanje isplaćenih novčanih sredstava namijenjenih za kupovinu čvrstog goriva."

Dosadašnji stav 3. postaje stav 5..

Član 3.

U članu 14. stav 1. mijenja se i glasi:

"Ukoliko korisnici u roku iz člana 13. st. 2. i 3. ne dostave potrebne dokaze ili se u postupku provjere dokumentacije utvrdi da ne ispunjavaju uslove za nastavak ostvarivanja prava na subvencioniranje troškova grijanja, istim ovo pravo prestaje, o čemu službe donose rješenje."

PRELAZNE ODREDBE**Član 4.**

Rješenja kojima je korisnicima utvrđeno pravo na subvencioniranje troškova grijanja na čvrsto gorivo, službe će uskladiti sa ovom uredbom u roku od 30 dana od dana stupanja na snagu ove uredbe.

Pravo utvrđeno usklađenim rješenjima iz stava 1. ovog člana počinje teći od 01.01.2013. godine.

Član 5.

Ova Uredba stupa na snagu danom donošenja, a objaviće se u "Službenim novinama Kantona Sarajevo".

Broj 02-05-23446-6/13
18. septembra 2013. godine
Sarajevo

Premijer
Suad Zeljković, s. r.

Na osnovu člana 22. stav (2) Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13) i čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 35. sjednici održanoj 18.09.2013. godine, donijela je

UREDBU**O IZMJENI I DOPUNAMA UREDBE O KRITERIJIMA
ZA FINANSIRANJE PROGRAMA I PROJEKATA
NEPROFITNIH ORGANIZACIJA I UDRUŽENJA KOJI
SE FINANSIRAJU/SUFINANSIRAJU IZ BUDŽETA
KANTONA SARAJEVO****Član 1.**

(Izmjena člana 3. tačka d) Uredbe)

U članu 3. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 33/11) tačka d) mijenja se i glasi:

"d) Ministarstvo za obrazovanje, nauku i mlade;"

Član 2.

(Dopuna člana 4. Uredbe-Opći kriteriji)

1. U članu 4. stav (3) iza tačke b) dodaje se nova tačka b 1) koja glasi:

"b 1) Uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, koje nosilac budžetskih sredstava pribavlja po službenoj dužnosti;"

2. U članu 4. dodaje se novi stav (5) koji glasi:

"(5) Udruženje koje je registrovano u prethodnoj godini i nije dobilo sredstva za projekte, nije dužno dostaviti dokumentaciju iz stava (3) tač. f) i g), koja se odnose na ispunjavanje kriterija iz stava (1) tač. f) i g) ovog člana".

Član 3.

(Dopuna člana 5. - Posebni kriteriji)

U članu 5. iza tačke b) dodaje se nova tačka b 1) koja glasi:

"b 1) Oblast mladih

1. da je projekat usmjeren isključivo na zadovoljavanje društveno korisnih potreba mladih starosne dobi od 15 do 30 godina;
2. da projekat podržava strateške ciljeve Ministarstva za obrazovanje, nauku i mlade, u oblasti problematike mladih;
3. da se projekat realizira na području Kantona i da je usmjeren na zadovoljavanje potreba mladih sa područja Kantona te da doprinosi stvaranju pozitivnog imidža Kantona;
4. da projekat doprinosi razvijanju kreativnih sposobnosti mladih u segmentu obrazovne, naučne, umjetničke, sportske ili kulturne djelatnosti;
5. da projekat, kroz izradu određenih propagandnih pisanih i elektronskih materijala doprinosi popularizaciji obrazovanja, kao djelatnosti od posebnog značaja za Kanton, kroz plansko upoznavanje i informisanje mladih za upis u srednje škole i visokoškolske ustanove;
6. da projekat doprinosi upoznavanju mladih o štetnim posljedicama društveno neprihvatljivih oblika ponašanja i da rezultira konkretnim mjerama i aktivnostima koje omogućavaju sprječavanje pojave društveno neprihvatljivih oblika ponašanja;
7. da je projekat usmjeren na popularizaciju zdravih životnih stilova mladih;
8. da je projekat usmjeren na angažovanje i uključivanje u društvene procese mladih iz kategorije marginaliziranih grupa (npr. osobe s invaliditetom, nacionalne manjine, socijalno ugrožene grupe itd.);
9. da projekat ima za cilj zaštitu i promovisanje ljudskih prava, građanski aktivizam, ekologiju, zdrav način življenja, borbu protiv ovisnosti, seksualno reproduktivno zdravlje i slično i

10. da je podnositelj aplikacije za realizaciju projekta već osigurao dio potrebnih finansijskih sredstava iz vlastitih ili drugih izvora."

Član 4.
(Stupanje na snagu)

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-23446-5/13
18. septembra 2013. godine
Sarajevo

Premijer
Suad Zeljković, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), i člana 20. Zakona o koncesijama ("Službene novine Kantona Sarajevo", broj 27/11), a u skladu sa prijedlogom Komisije za koncesije formirane Rješenjem broj 02-05-6482-22/13 od 21.03.2013. godine, Vlada Kantona Sarajevo, na 35. sjednici održanoj 18.09.2013. godine, donijela je

ODLUKU

O POSTOJANJU JAVNOG INTERESA ZA DODJELU KONCESIJE ZA EKSPLOATACIJU MINERALNE SIROVINE DOLOMITA NA LOKALITETU "DUBOKI DO", OPĆINA ILIDŽA

I

Postoji javni interes za dodjelu koncesije za eksploataciju mineralne sirovine dolomita na lokalitetu "Duboki do", Općina Ilidža, na vremenski period od 5 (pet) godina.

II

Postupak dodjele koncesije na predmetu koncesije iz tačke I ove odluke će se sprovesti putem pregovora sa privrednim društvom Agregati i betoni "Put" d.o.o. Sarajevo.

III

Ukoliko se ne zaključi ugovor o koncesiji sa privrednim društvom iz tačke II ove odluke, postupak dodjele koncesije na predmetu koncesije iz tačke I ove odluke će se obustaviti.

IV

Privredno društvo je obavezno da, prilikom potpisivanja ugovora o koncesiji, Kantonu Sarajevo - Vladi Kantona Sarajevo dostavi bankarsku garanciju za ispunjenje obaveza po osnovu koncesione naknade i ostalih ugovornih obaveza.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-23446-7/13
18. septembra 2013. godine
Sarajevo

Premijer
Suad Zeljković, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 105. stav 2. Zakona o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11), člana 10a. Odluke o osnivanju Zavoda zdravstvenog osiguranja Kantona Sarajevo ("Službene novine Kantona Sarajevo", br. 7/98 i 30/07), a u vezi sa članom 25. stav 2. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", br. 4/00, 18/02, 30/08 i 1/12), na prijedlog Ministra zdravstva Kantona Sarajevo, Vlada Kantona Sarajevo, na 35. sjednici održanoj 18.09.2013. godine, donijela je

RJEŠENJE

O RAZRJEŠENJU DIREKTORA ZAVODA ZDRAVSTVENOG OSIGURANJA KANTONA SARAJEVO

I

Razrješava se Prof. dr. Faris Gavrankapetanović, dužnosti direktora Zavoda zdravstvenog osiguranja Kantona Sarajevo.

II

Ovo Rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-05-23446-10.1/13
18. septembra 2013. godine
Sarajevo

Premijer
Suad Zeljković, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 105. stav 2. Zakona o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11), kao i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), na prijedlog Ministra zdravstva Kantona Sarajevo, Vlada Kantona Sarajevo, na 35. sjednici održanoj 18.09.2013. godine, donijela je

RJEŠENJE

O IMENOVANJU VRŠIOCA DUŽNOSTI DIREKTORA ZAVODA ZDRAVSTVENOG OSIGURANJA KANTONA SARAJEVO

I

Imenuje se Prof. dr. Faris Gavrankapetanović za vršioca dužnosti direktora Zavoda zdravstvenog osiguranja Kantona Sarajevo, na period najviše do (3) tri mjeseca.

II

Ovo Rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-05-23446-10.2/13
18. septembra 2013. godine
Sarajevo

Premijer
Suad Zeljković, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), kao i člana 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u skladu sa tačkom V Odluke o kriterijima za nominiranje /imenovanje predsjednika i članova Upravnog odbora Zavoda zdravstvenog osiguranja Kantona Sarajevo, kojeg je osnivač Kantona Sarajevo ("Službene novine Kantona Sarajevo", br. 52/12 i 12/13), Vlada Kantona Sarajevo, na 35. sjednici održanoj 18.09.2013. godine, donijela je

RJEŠENJE

O IMENOVANJU KOMISIJE ZA IZBOR PREDsjedNIKA I ČLANOVA UPRAVNOG ODBORA ZAVODA ZDRAVSTVENOG OSIGURANJA KANTONA SARAJEVO, KOJEG JE OSNIVAČ KANTON SARAJEVO, A ČIJA KONAČNA IMENOVANJA VRŠI VLADA KANTONA SARAJEVO

I

U Komisiju za izbor predsjednika i članova Upravnog odbora Zavoda zdravstvenog osiguranja Kantona Sarajevo, kojeg je osnivač Kanton Sarajevo, a čija konačna imenovanja vrši Vlada Kantona Sarajevo (u daljem tekstu: Komisija) imenuju se:

1. Alma Pehlić, dipl. pravnik - predsjednik
2. Kočo dr. Damir - član



SLUŽBENE NOVINE

KANTONA SARAJEVO

Godina XIX – Broj 16

Četvrtak, 24. aprila 2014. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13) i člana 22. stav 2. Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13), Vlada Kantona Sarajevo, na 62. sjednici održanoj dana 10.04.2014. godine, donijela je

UREDBU

O IZMJENI UREDBE O KRITERIJIMA ZA FINANSIRANJE PROGRAMA I PROJEKATA NEPROFITNIH ORGANIZACIJA I UDRUŽENJA KOJI SE FINANSIRAJU/SUFINANSIRAJU IZ BUDŽETA KANTONA SARAJEVO

Član 1.

(Izmjena člana 5. tačka f) Uredbe)

U članu 5. tačka f) Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12 - Ispravka i 37/13), mijenja se i glasi:

"f) Oblast boračke zaštite

- 1) projekti očuvanja i njegovanja tradicije oslobođilačkog rata, tradicionalnost, ugled i interes javnosti, a koji se odnose na:
 - obilježavanje značajnih događaja, datuma i ličnosti shodno Odluci o utvrđivanju "Kalendara za obilježavanje značajnih događaja, datuma i ličnosti iz perioda odbrambeno - oslobođilačkog rata 1992.-1995. godine na području Kantona Sarajevo" i
 - obilježavanje značajnih događaja, datuma i ličnosti shodno Odluci o utvrđivanju "Kalendara za obilježavanje značajnih događaja, datuma i ličnosti iz perioda narodnooslobođilačkog rata 1941.-1945. godine na području Kantona Sarajevo",
- 2) programi i projekti koji se odnose na: okupljanje i druženje članova udruženja u cilju njegovanja tradicije odbrambeno oslobođilačkog rata 1992.-1995. godine, te provođenja aktivnosti obilježavanja značajnih događaja, datuma i ličnosti iz ratnog perioda,

- 3) programi resocijalizacije i integracije boračke populacije u društvenu sredinu (dodatna edukacija, zadovoljenje potreba koje osobe sa invaliditetom ostvaruju na specifičan način uz korištenje specijalnih pomagala),
- 4) programi koji se odnose na sportske manifestacije i memorijalne turnire i one koji podstiču afirmaciju invalidskog sporta, a naročito manifestacije i memorijalne turnire posvećene licima i događajima vezanim za odbrambeno-oslobođilački rat 1992.-1995. godine u organizaciji boračkih i drugih udruženja te sportskih društava,
- 5) programi pružanja besplatne pravne pomoći boračkoj populaciji,
- 6) podrška projektima pisana riječ "da se ne zaboravi i ne ponovi" (pisana, audio i video djela i drugo),
- 7) aktivnosti i uključivanje što većeg broja pripadnika nacionalnih manjina u rad udruženja i
- 8) aktivnosti i programi koji doprinose afirmaciji i njegovanju tradicije odbrambeno - oslobođilačkog rata."

Član 2.

(Stupanje na snagu)

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-7121-4/14

10. aprila 2014. godine
Sarajevo

Za Premijera
Suad Zeljković, s. r.

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), a u vezi sa članom 24. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 45/12 - Prečišćeni tekst), Vlada Kantona Sarajevo na 62. sjednici, održanoj 10.04.2014. godine, donijela je

UREDBU

O IZMJENI UREDBE O FINANSIRANJU PROGRAMA ZA OTVARANJE RADNIH MJESTA ZA BRANIOCE, RATNE VOJNE INVALIDE, PORODICE ŠEHIDA I PORODICE POGINULIH BORACA, UMRLIH I NESTALIH BRANILACA

Član 1.

U Uredbi o finansiranju programa za otvaranje radnih mjesta za branioce, ratne vojne invalide, porodice šehida i porodice